



REPUBLIKA E KOSOVËS - REPUBLIKA KOSOVA - REPUBLIC OF KOSOVA
KOMUNA JUNIK - OPŠTINA JUNIK - MUNICIPALITY OF JUNIK

Zyra e Kryetarit

Datë: 13.11.2024

Në bazë të nenit 13 të Ligjit Nr. 03/L-40 mbi Vetëqeverisjen Lokale dhe nenit 43 të Statutit të Komunës së Junikut, nenit 14 paragrafi (1) pika (1.1), 1.4) dhe (1.8) dhe neni 15 të Rregullores për Kushtet, Kriteret dhe Procedurat e Ndarjes së Subvencioneve, me nr. prot. 02-180-9082 të datës 06.11.2018, Kryetari i Komunës shpall:

K O N K U R S

PËR NDARJEN E BURSIVE PËR STUDENTET NGA KOMUNA E JUNIKUT

I. Komuna e Junikut ndan 100 bursa për studentet e vitit akademik 2024-2025.

II. Kushtet për konkurim për bursë komunale:

- Të jetë banor i Komunës së Junikut;
- Të jetë student i rregullt dhe të ketë të regjistruar vitin akademik 2024-2025, në ndonjërin nga Universitetet Publike apo Private të Republikës së Kosovës;
- Të jetë student i nivelit 5-të (Post-Sekondar), Bachelor, Sistem katërvjeçar apo Master;
- Studentët që janë regjistruar për herë të parë në fakultete, duhet të kenë dëshminë e suksesit të shkollës së mesme.

III. Kriteret për përzgjedhjen e përfituesve të bursave komunale:

- Përzgjedhja e përfituesve të bursave komunale bëhet në bazë të numrit më të madh të pikëve totale që merr një kandidat, bazuar në kriteret e specifikuar më poshtë;
- Alikuesit duhet të jenë banor të Komunës së Junikut;
- Aplikuesit nuk mund të jetë përfitues i bursës për student nëse brenda vitit të njëjtë fiskal ka qenë përfitues i një burse të ndarë nga Ministritë e Linjës ose ndonjë donatorë tjetër, për të njëjtin qëllim, bazuar në rregulloren e lartë cekur.

Nr.	Kriteri/Kategoria	Pikët
1.	Nota mesatare 9-10 Nota mesatare 8-9 Nota mesatare 7-8	40-50 30-40 20-30
2.	Studentët që kanë të regjistruar vitin e parë që kanë notën mesatare 4-5 nga shkolla e mesme.	30-40
3.	Fakulteti i Mjekësisë (Stomatologji, Mjekësi e Përgjithshme dhe Farmaci)	40
4.	Fakulteti i Shkencave Matematiko-Natyrore.	40
5.	Fakulteti i arteve	40
6.	Fakulteti i Ndërtimtarisë dhe Arkitekturës	40
7.	Fakulteti i Inxhinierisë Mekanike	40
8.	Fakulteti i Inxhinierisë Elektrike dhe kompjuterike	40
9.	Fakultetin e Menaxhimit të Turizmit, Hotelierisë dhe Mjedisit	40
10.	Fakulteti Filozofik	40
11.	Fakulteti i Bujqësisë dhe Veterinarisë.	40
12.	Fakulteti Juridik- Ekonomik	20
13.	Fakulteti i Mjekësisë (Fizioterapi, Infermieri dhe Shëndeti publik)	20
14.	Fakulteti Filologjik	20
15.	Fakulteti i Edukimit Fizik dhe Sportit	20
16.	Fakulteti i Edukimit	20
17.	Student i regjistruar në Universitetin Publikë	20
18.	Studentët – fëmijët bonjak (pa asnjërin prind).	15
19.	Studentët me asistencë sociale.	20
20.	Studentët me nevoja të veçanta.	20
21.	Studentët-fëmijët që kanë mbetur pa njërin prind si pasojë e luftës (fëmijët e dëshmorëve dhe/ose viktimave civile).	15
22.	Studentët-fëmijët e invalidëve të luftës.	10
23.	Studentët-fëmijët e veteranëve të luftës .	05
24.	Studentët që studiojnë më shumë se një drejtim studimi - mund të jetë edhe në nivel tjetër të studimeve (Master ose Doktoraturë).	10
25.	Studentët që kanë edhe ndonjë anëtar tjetër të familjes së ngushtë në studime (motër, vëlla, prind, fëmijë). Anëtar i tjetër mund të jetë edhe në nivel tjetër të studimeve (Master ose Doktoraturë)	10

IV. Statuset e të gjitha kategorive të përfshira në tabelën e mësipërme duhet të dëshmohen me dokumente e vlefshme të lëshuara nga institucionet relevante.

V. Aplikacioni duhet të ketë këto dokumente të përgjithshme:

- Formularin e aplikimit të plotësuar (merret në zyrën pritëse në katin e parë) ose shkarkohet nga faqja e Komunës <https://kk.rks-gov.net/junik/>;
- Dokumentin personal (letërnjoftimin ose pasaportën);
- Ekstraktin e lindjes;
- Kartelën Identifikuese të studentit;

- Vërtetimin nga Universiteti Publik/Privat (fakulteti apo departamenti përkatës) se kandidati nuk është përfitues i ndonjë burse për këtë vit fiskal;
- Certifikatën e notave të studimeve (Origjinale);
- Certifikatën e notave të shkollës së mesme (Kopje) për ata që kanë të regjistruar vitin e parë akademik.

VI. Studentët e kategorive të shënuara më lartë duhet të dorëzojnë këto dokumente të veçanta:

- Studentët me nevoja të veçanta, vërtetimin nga institucioni përkatës;
- Studentët me asistencë sociale, vendimin nga Ministria e Punës dhe Mirëqenies Sociale dhe certifikatën familjare;
- Studentët bonjak, certifikatat e vdekjes së prindërve;
- Studentët – fëmijët e Dëshmorëve/viktimave civile, vendimin se është përfitues i pensionit nga Ministria e Financave, Punës dhe Transfereve dhe certifikatën familjare;
- Studentët – fëmijët e Invalidëve të luftës, vendimin se është përfitues i pensionit nga Ministria e Financave, Punës dhe Transfereve dhe certifikatën familjare;
- Studentët – fëmijët e Veteranëve të luftës, vendimin se është përfitues i pensionit nga Ministria e Financave, Punës dhe Transfereve dhe certifikatën familjare;
- Studentët që studiojnë më shumë se një drejtim studimi, dëshmi nga Fakulteti për drejtimin tjetër përveç atij që aplikon për bursë;
- Studentët që janë dy apo më shumë nga familja e ngushtë, dëshmi nga Fakulteti për statusin e studentit të anëtarit tjetër të familjes dhe certifikatën familjare.

Sqarime shtesë

Mosplotësimi i saktë dhe i qartë i formularit të aplikimit, aplikacionet e pakompletuara dhe ato që dorëzohen pas afatit të konkursit nuk do të merren në shqyrtim.

Si informata të sakta dhe të vërteta do të konsiderohen vetëm ato informata, të cilat janë të dëshmuara me dokumente përkatëse.

Afati dhe mënyra e aplikimit:

Konkursi është i hapur prej datës 13.11.2024 deri më 26.11.2024 në ora 16:00. Aplikacionet dorëzohen në zarf të mbyllur, në zyrën pritëse në Komunën e Junikut, apo të skenuara (aplikacioni duhet të jetë i nënshkruar) në email adresën zeqe.hebibi@rks-gov.net, liberta.f.hoxha@rks-gov.net Përfituesit e bursave do të informohen pas përzgjedhjes finale dhe rezultatet do të publikohen në Web faqe të Komunës së Junikut.

